

# Hauora Te Kaupae 1

## Te Pūrongo Aromatawai ā-Waho 2024



Te Marautanga o Aotearoa	Hauora
Te Rā Aromatawai	30 Oketopa 2024
Te Momo Aromatawai	He Kete Manarua
Ngā Paerewa Paetae	92058 & 92059

### Te Wāhanga 1: He Tirohanga Whānui

**Kete Manarua** – He kohikohinga taunakitanga ā te ākonga i te roanga ake o te tau, ā, ka ahū mai ngā taunakitanga i ngā kaupapa huhua nā te ākonga rānei, nā te kaiako rānei i whakatau hei mahi mā te ākonga.

Kia mārama pai te tamaiti ki ngā hiahia o te otinga mahi, kia pai te whakatakotoranga o ngā mahi Katoa.

### Te Wāhanga 2: He kōrero mō te Paerewa

**92058: Te tautohu i ngā āhuatanga matua o te kaitiakitanga me te hononga ki te oranga**

#### Te Aromatawai ā-Waho:

Ka waihanga mai te ākonga i tētahi / ētahi kiriata e takirua ana i tētahi/ētahi kōrero tuku iho e hāngai ana ki tō rātou rohe, me te pānga o ēnei kōrero tuku iho ki tō rātou oranga.

#### Ngā āhuatanga matua o te kaitiakitanga - Ngā kōrero tuku iho

Koia nei ētahi:

- e rārangi raupapa mai ana ngā wāhanga o te kōrero tuku iho;
- mā wai ngā kōrero tuku iho e tiaki?
- te tāutu i ngā kiripuaki matua;
- te whakamārama i te matū o te kōrero tuku iho;
- he kura huna i puta hei whai mā te tangata.

#### Te hononga ki te oranga

Koia nei ētahi:

- te whakaora ake i te whakaaro ko tātou tonu ngā kaitiaki o ngā kōrero tuku iho;
- te pupuri ki ngā kōrero tuku iho o tua;
- te whakamahi i ngā kōrero tuku iho hei kupu āki, hei kupu arataki i a tātou;
- he whakamana i ngā hononga ā-iwi, ā-hapū hoki.

### **Pūrongo Paerewa Paetae:**

E mārama ana te nuinga o ngā ākonga ki ngā tohutohu, ā, ko ētahi i tuku noa mai he tuinga ko ētahi i tuku kiriata taunaki mai.

Ko ngā ākonga i eke ki te **Kairangi** o te paerewa paetae nei:

- i whakamārama i ngā āhuatanga matua o te kaitiakitanga me te hononga ki te oranga.

Ko ngā ākonga i eke ki te **Kaiaka** o te paerewa paetae nei:

- i whakaahua i ngā āhuatanga matua o te kaitiakitanga me te hononga ki te oranga.

Ko ngā ākonga i eke ki te **Paetae** i te paerewa paetae nei:

- i tautohu i ngā āhuatanga matua o te kaitiakitanga me te hononga ki te oranga.

Ko ngā Ākonga **Kāore i whiwhi** i te paerewa paetae nei:

- kāore i tautohu i ngā āhuatanga matua o te kaitiakitanga me te hononga ki te oranga.

### **92059: Te tautohu i ngā āhuatanga matua o te whanaungatanga me te hononga ki te oranga**

#### **Te Aromatawai ā-Waho:**

Ka whakaputa whakaaro te ākonga mō ngā kaupapa motuhake kei roto i ngā kiriata.

Ka whakamārama i ngā āhuatanga matua o te whanaungatanga me te hononga ki te oranga o te tangata.

Ka mātakitaki i ngā kiriata:

1. [Hāhi Rātana](#)
2. [Koroneihana](#)

Ka matapaki i ngā kiriata, ko ōna ake wheako, ko ōna ake whakaaro rānei mō ētahi kaupapa motuhake a tōna iwi, ā, ko:

- ētahi mahi/āhukatanga matua o te kaupapa motuhake (He aha te mahi kua kitea, kua rangona rānei?).
- ētahi kawenga o te mahi/āhukatanga matua (He aha ngā kawenga/haepapa o te tūranga mahi/āhukatanga matua?).
- ētahi painga o te mahi/āhukatanga matua (He aha ngā āhukatanga pai o te mahi?).
- ētahi ngoikoretanga o te mahi/āhukatanga matua(He aha ngā āhukatanga o te mahi kāore pea i te pai?).
- ētahi hua o te mahi/āhukatanga matua ka puta hei oranga mō te whānau/tangata (He aha ngā hua ka puta hei oranga mō te whānau/tangata?).

Kia 400-450 ngā kupu kōrero ā-waha, ngā kupu tuhi rānei.

### **Pūrongo Paerewa Paetae:**

Ka whai ngā ākonga i ngā tohutohu, heoi ko te āta whakamārama i ngā whakaaro ki ngā āhukatanga matua ki konei eke ai ki taumata kē atu ko te painga atu tērā.

Ko ngā ākonga i eke ki te **Kairangi** i te paerewa paetae nei:

- i whakamārama i ngā āhukatanga matua o te whanaungatanga me te hononga ki te oranga.

Ko ngā ākonga i eke ki te **Kaiaka** i te paerewa paetae nei:

- i whakaahua i ngā āhukatanga matua o te whanaungatanga me te hononga ki te oranga.

Ko ngā ākonga i eke ki te **Paetae** i te paerewa paetae nei:

- i tautohu i ngā āhukatanga matua o te whanaungatanga me te hononga ki te oranga.

Ko ngā ākonga **Kāore i whiwhi** i te paerewa paetae nei:

- kāore i tautohu i ngā āhukatanga matua o te whanaungatanga me te hononga ki te oranga.